



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. Quae sit propria promissio Euangelij.

urn:nbn:de:hbz:466:1-29452

gratias, ideo dicitur haec promissio propria Euangelij, quia gratias, id est, sine merito operum nostrorum, sed propter filium, vult nos reputare iustos. Non enim possumus hoc mereri a Domino, nempe iustificationem & salutem, ideo hoc ad merendum imposuit filio suo Esai. 53. Ipse peccata nostra portauit, 1. Petr. 2. super ligno, ob id gratis nobis distribuitur propter ipsum Christum, non ut particula, Gratias, excludat fidem, poenitentiam, & opera, haec enim exiguntur, sed ideo gratis, quia non propter nostra opera, sed propter Christi opus hoc nobis distribuitur. Et quia sine merito nostro hoc accipimus, ideo ex parte nostra gratis accipimus, licet non donetur gratia ex parte Christi, nam ipse vulneratus est propter peccata nostra, Esai. 53. Et haec promissio salutis & iustitiae, ideo transfertur in Christum, & nostris adimitur operibus, ut promissio sit firma, Rom. 4. Nunquam quieta & firma esset conscientia, si iustificatio a nostris pederet operibus: nunquam enim satis operamur. At quoniam propter Christum distribuitur iustitia & salus, ideo secura est conscientia credens huic promissioni, propter Christum cupiens misericordiam,

2. Sic inquit Paulus, arbitramur hominem iustificari fide sine operibus legis, Rom. 3. Et Petrus Actorum 10. Huic omnes Prophetæ testimoniū perhibent, &c. & Psalm. 52. Deus in nomine tuo saluum me fac Act. 4. Non est nomen aliud sub cœlo, &c. Lucæ ultimo, prædicare in nomine eius poenitentiam & remissionem peccatorum, id est, propter nomen suum suum iustificamur gratis. Oportet igitur semper tenere hanc particulam, Gratias, in animo, ut dubitatio excludatur, & sic firma fides promissionis firmæ. Et ne Euangeliū transformetur in legē, si esset promissio conditionalis, scilicet ut tunc haberemus remissionem peccatorum quando legi satisficerimus. Est igitur promissio

promissio Euangeliū propria, quod gratis remittuntur peccata, gratis pronunciamur iusti, id est, reconciliati, & accepti: & quod propter Christum efficiamur hæredes vitæ æternæ. Ad hanc igitur promissionem nihil faciūt opera nostra, nisi quod media sunt, quæ gratuitam accipiunt gratiam.

Promissio est legis, qua lex sequi debet necessariò fidem, alioquin iustificatio non retinetur, Rom. 8. Si secundùm carnem vixeritis: & in obedientia legis & operibus, non vult Deus gratis sibi seruiri & legem impleri, sed pro illis offert & promittit mercedem temporalem & æternam, Exod. 20. Deuter. 28. Leuit. 16. Matth. 19. Marci 10. Luc. 18. Vos qui reliquistis omnia, & secuti estis me, centuplum accipietis & in tempore hoc, & in futuro seculo vitam æternam. Et pietas habet promissionem praesentis vitæ & futuræ, 1. Tim. 4. Sic omnia opera nostra habent præmium & gratia, tamen propterea quia fiunt ab illis qui in Christum filium DEI credunt, quæ fides sanctificat arborē, id est, personam: Et sunt varia præmia secundùm gradus laborum, ut sèpè diximus, 1. Corin. 3. Matth. 25. Ioannis 5. Et procedent qui bona fecerunt, &c.

Et quoniam filij & hæredes sumus per fidem, ideo hæc opera nostra beneficio Christi ex gratia compensantur gloria æterna: quod nullo modo fieret, si non primùm essemus per fidem accepti & hæredes, sicuti labor & obedientia filiorum erga parentes, tametsi gratus est parentibus, nullo tamen pacto mereatur filius hæreditatem, nisi primùm sit natus hæres. Attamen contumaces filij possent exhæredari: sic qui non obedientia legis testantur fidem suam erga DEV M patrem. Ut pius pater promittit obedienti filio hæreditatem, licet illi debeatur, quia natus hæres: sic operibus nostris promittitur vita æterna, quæ tamen aliás gratis donatur propter fidem in

F 4 Chri-